



## Disposiziun dal departament

### **Scolas popularas dal Grischun tudestg e rumantsch sco er dal Puschlav e da la Bregaglia: fixaziun dal cumenzament da l'onn da scola, da las vacanzas d'atun e da Nadal per ils onns da scola 2018/19, 2019/20, 2020/21 e 2021/22 (disposiziun substitutiva)**

La lescha davart las scolas popularas dal chantun Grischun dals 21 da mars 2012 (lescha da scola; DG 421.000) prevesa en l'art. 24 al. 2 e 3 ch'il departament d'educaziun, cultura e protecziun da l'ambient fixeschia il cumenzament da l'onn da scola en coordinaziun cun auters chantuns sco er las vacanzas d'atun e da Nadal. Las ulteriuras vacanzas pon las instituziuns responsablas per la scola fixar sezzas.

Cun metter en vigur il Plan d'instrucziun 21 GR (conclus da la regenza nr. 246 dals 15 da mars 2016) entra en vigur er l'art. 24 al. 1 da la lescha da scola. Il dumber d'emnas da scola s'augmenta da 38 a 39. Ils onns da scola 2018/19 fin 2020/21 duai la 39. emna da scola vegnir duvrada per la furnaziun supplementara obligatorica da las persunas d'instrucziun. **A partir da l'onn da scola 2021/22 cumpiglia il temp da scola 39 emnas er per las scolaras ed ils scolaras.** Er durant la fasa da realisaziun dal Plan d'instrucziun 21 GR pertutga il cumenzament da l'onn da scola tant las persunas d'instrucziun sco er las scolaras ed ils scolaras.

Per differents motivs han ils cumenzaments dals onns da scola 2018/19 e 2019/20 da las scolas medias dal chantun Grischun stuì vegnir fixads in'emna pli baud che fin ussa. En la scola populara han lieu – pervia da l'introducziun e pervia da la realisaziun dal Plan d'instrucziun 21 GR – ils onns da scola 2018/19 e 2019/20 numerusas furnaziuns supplementaras ch'èn obligatoricas per las persunas d'instrucziun durant las vacanzas da stad. Perquai èsi problematic d'anticipar analogamain il cumenzament da l'onn da scola da la scola populara. Per ils onns da scola 2018/19 sco er 2019/20 cumenza l'onn da scola en la scola populara perquai in'emna pli tard che en las scolas medias.

Las instituziuns responsablas per la scola han, sa basond sin l'art. 22 da l'ordinaziun tar la lescha da scola dals 25 da settember 2012 (ordinaziun da scola; DG 421.010) la pussaivladad da declerar sco obligatoricas occurrenzas da scola spezialas, sco per exempel las festivitads da Nadal, er per ils suentermezdis libers u per las sondas. Plinavant pon las instituziuns responsablas per la scola, sa basond sin l'art. 28 da la lescha da scola, er conceder congedis individuals, sch'ellas vulan dispensar singulas scolaras e singuls scolars en cas motivads da la participaziun a las occurrenzas decleradas sco obligatoricas u da l'instrucziun en scola.

Sa basond sin l'art. 24 da la lescha da scola


**dispona il departament d'educaziun, cultura e protecziun da l'ambient:**

1. Il cumenzament da l'onn da scola sco er las vacanzas d'atun e da Nadal dals onns da scola 2018/19, 2019/20, 2020/21 e 2021/22 vegnan fixads per il Grischun tudestg e rumantsch inclusiv il Puschlav e la Bregaglia sco suonda:

<b>Onn da scola 2018/19</b> (39 emnas da scola per las personas d'instrucziun)	
<i>cumenzament da l'onn da scola:</i>	<b>glindesdi, ils 20 d'avust 2018</b>
<i>vacanzas d'atun:</i> cumenzament fin	sonda, ils 6 d'october 2018 dumengia, ils 21 d'october 2018
<i>vacanzas da Nadal:</i> cumenzament fin	sonda, ils 22 da december 2018 dumengia, ils 6 da schaner 2019
<b>Onn da scola 2019/20</b> (39 emnas da scola per las personas d'instrucziun)	
<i>cumenzament da l'onn da scola:</i>	<b>glindesdi, ils 19 d'avust 2019</b>
<i>vacanzas d'atun:</i> cumenzament fin	sonda, ils 5 d'october 2019 dumengia, ils 20 d'october 2019
<i>vacanzas da Nadal:</i> cumenzament fin	sonda, ils 21 da december 2019 dumengia, ils 5 da schaner 2020
<b>Onn da scola 2020/21</b> (39 emnas da scola per las personas d'instrucziun)	
<i>cumenzament da l'onn da scola:</i>	glindesdi, ils 17 d'avust 2020
<i>vacanzas d'atun:</i> cumenzament fin	sonda, ils 10 d'october 2020 dumengia, ils 25 d'october 2020
<i>vacanzas da Nadal:</i> cumenzament fin	mesemna, ils 23 da december 2020 mardi, ils 5 da schaner 2021

<b>Onn da scola 2021/22</b> (39 emnas da scola per las persunas d'instrucziun sco per las scolaras ed ils scolars)	
<i>cumenzament da l'onn da scola:</i>	glindesdi, ils 16 d'avust 2021
<i>vacanzas d'atun:</i> cumenzament fin	sonda, ils 9 d'october 2021 dumengia, ils 24 d'october 2021
<i>vacanzas da Nadal:</i> cumenzament fin	gievgia, ils 23 da december 2021 mesemna, ils 5 da schaner 2022

2. Las datas per la regiun Mesolcina per ils onns da scola 2017/18 e 2018/19 èn vegnidas fixadas cun la disposiziun dal departament nr. 1521 dals 20 d'october 2016. Quellas sa basan sin las datas correspudentas dal chantun Tessin.
3. Las instituziuns responsablas per la scola vegnan supplitgadas da fixar las vacanzas da sport e da primavaira en moda unitara per la regiun. Ina coordinaziun regionala facilitescha da fixar ils termins per ils examens d'admissiun a las scolas medias.
4. Questa disposiziun remplazza la disposiziun nr. 249 dals 20 da favrer 2017.
5. Communicaziun a: instituziuns responsablas per las scolas popularas (autoritads da scola, direcziuns da scola); instituziuns da la scola speziala; scolas popularas privatas; uffizi per la furmaziun media-superiura (per spedir vinavant a las scolas medias); uffizi per la furmaziun professiunala (per spedir vinavant a las scolas professiunalas); scola auta da pedagogia dal Grischun, Scalärastrasse 17, 7000 Cuira; uffizi per la scola populara ed il sport.



Martin Jäger, cusseglier guvernativ